

Փիղիքեմաթեմատիկական: Յաջորդ տարւանից պիտի բացւէր և բժշկական բաժինը: Մինչև հոկտ. 1 արձանագրել էին 632 երկսեռ ուսանողներ, որոնցից 403 հոգին կամենում էին մտնել բնագիտական բաժինը, շատերը գիւղատնտեսական մասը:

Երևանում բացելու էր պետական երաժշտանոց, որի համար տեսուչ էր հրաւիրուում Մոսկւայի երաժշտանոցի նախկին տեսուչ, յայտնի երաժշտագէտ Իպոլիտով-Իվանովը, իսկ դասատուներ՝ ազատ արւեստագէտ Բարիսուղարեանը, նշանաւոր երաժշտագէտ Սպենդիարեանը, Մելիքեանը և ուրիշներ:

Պետական թատրոնի կազմակերպման համար, Պոլսում վախճանաձգւեց Երասան Սևուճեանի առաջարկով, մտածուում էր հրաւիրել Մոսկւայի Գեղարւեստական թատրոնի հիմնադիրներէց՝ հռչակաւոր ռեժիսոր Գ. Բուրջալեանին և հայ բեմի առաջնակարգ ուժերին: 1920թ. ամառայ ընթացքում դերասաններ Չարիֆեանը, Արեւեանը, Մայսուրեանը, ընտիր խմբով, Երևանում տւին մի երկար շարք ներկայացումների և ունեցան բացառիկ յաջողութիւն: Թատրոնի պահանջը շատ մեծ էր:

Սեպտեմբերին Ալեքսանդրապոլում բացելու էր ժողովրդական դեզարւեստի ուսումնարան, որի նպատակն էր լինելու արտայայտել ժողովրդական ստեղծագործութեան արժէքները՝ գորգագործութիւնը, ազնիւ մետաղների մշակոյթը, պղնձի, քարի մշակման գործը, ձեռարւեստի և նուրբ գործւածքների մշակման գործը և այլն: Դպրոցին կից լինելու էր տնայնագործական կոմիտէի գեղարւեստական-արդիւնաբերական թանգարանը, որի համար խնամ. նախարարութեան աշխատանքի բաժինը արդէն ձեռք էր բերել 100-ից աւելի ընտիր գորգեր, կապերտներ և ուրիշ գործւածքներ: Դպրոցի կազմակերպումը յանձնւած էր խնամ. նախարարութեան աշխատանքի բաժնի վարիչ Ակունեանին:

Սեպտ. 27-ին Ալեքսանդրապոլում, մեծ հանդիսաւորութեամբ, բացւեց հաղորդակցութեան նախարարութեան տեխնիկական միջնակարգ դպրոցը ինժ. Շերմազանեանի տեսչութեամբ: Մի ամիս յետոյ, հոկտ. 25-ին, Երևանում պիտի բացւէր երկրորդ տեխնիկական դպրոցը:

Կարսում բացւելու էր Ռազմական Գիմնազը: Էջմիածնում վերաբացւելու էր ձեմարանը: Երևանում բացւելու էր միջնակարգ բժշկական վարժարան, Ուսուցչական Սեմինար և այլն: Բացի այդ, Երևանում և ուրիշ քաղաքներում կային բազմաթիւ մասնագիտական դպրոցներ ու դասընթացներ, ինչպէս սղագրութեան, կար ու ձևի, գորգագործութեան, գինւորական, հաշւապահական, բժշկական, երկաթուղային, մանկավարժական, երկրաչափական, հայերէն և օտար լեզուների, սկաուտական և այլն:

Գործում էին և այլազան ընկերութիւններ ու միութիւններ. Հայաստանի Գրական Ընկերութիւնը, Հայաստանի Մարմնամարզական Ընդհանուր Միութիւնը, Հայաստանի Տեխնիկական, Իրաւաբանական, Բժշկական, Ուսուցչական, Ուսանողական Միութիւնները, Հրատարակչական Ընկերու-